



東岱山房詩錄序



自予釋負從學士譚詩已厭薄李杜喜初唐一
二挾竒之士不已則効齊梁諸人語補綴湊泊
性靈豐蔀譬諸割錦不可衣塗澤朱鉛形狀離
焉蓋詩至此弊矣而棟文者憂之祛刷炫冶崇
冲淡直吐胸臆懲吹之過又至捐景遺物率易
直截乏溫厚之旨夫詩有六義感物而興其感
非外其興非內情由物觸物以情融綜盪萬有
包并三才以言以諷而後爲詩之教若夫吾心

指性則文焉爾而烏取於詩於以救弊而不覺其流之弊至斯也予所睹記三十年之間蓋如此山東李伯承先生長予一歲睹記與予同獨不受變於習守先民之訓今讀其詩情物互縈文質有所底匪羈而止匪迫而流詞林一巨槓也古人言無足而至物之籍隨踵而立士之薄若君者豈不賢乎哉

嘉靖戊午上元日萬安朱衡撰

李少卿集序

李少卿集者濮陽李君詩也君名先芳字伯承號北山子爰自綺歲博綜羣籍尤耽聲詩為弟子員及發科從博士遊心薄時義而刻意古文辭司馬氏譯澤蘓公素工於詩由是濮陽稱蘓李云丁未登進士第宰江右以治行徵拜刑曹郎與藝苑諸英

爭長京師指目為西館云歲中起拜尚寶
階漸清華業臻淵邃聲名籍甚謔口隨之
竟承嚴譴淪跡江淮間稍遷宣城別駕乙
丑之秋祗役來吳訪姑蘓之臺吊長洲之
苑持其集造余相與商確并屬為序爰繆
傾蓋語合椎輪業已心許矣越歲寓書促
之夫李君宏才逸氣殆若天縱每以太白

自負遡苗樹下託志家雲屐姚墟而仰文
思觀濠梁而緬傲吏侏僮任俠即其標槩
亦略相似嘗嘆曰大雅不作世豈乏人哉
馳驅屈宋鞭撻揚馬有為者亦若是矣研
味厥集沉思鬱雲變幻百出辭源滙河一
瀉千里故豪吟放歌樂府雜曲乃其長伎
如驥足聘塗躩蹠峻坂鸞刀奏響合儼桑

林五言悲壯調昉開元七字和平音諧大
潛古選雄瞻建安之末太康以前準其體
裁絕句俊麗少伯官闈盱眙邊塞等其興
寄至若典雅以叙事柔婉以款情藻暢以
陶景春容以御氣縱誕以託諷恬曠以述
懷或興到濡毫或酒酣命管不加點竄意
外驚人可謂通方兼美者矣舊史稱白為

山東人君亦山東人白待詔翰林被謫流
播君謝符卿而倅州郡同其所遭白由齊
魯居徂徠南遊淮泗再入吳徙金陵君足
跡所至則又同其所經歷矣白晚慕仙游
而君益精吏局勲業所就又當過之再玩
集中整躋巨山奇躡長吉妍辭秀句每在
傾端嘉祐之間即緘置矣囊編題晏周豈

特遠追太白將盡掩諸考矣詩九若干首
勒為幾卷外集別載傳諸其人余友伯藁
于麟二子並擅文辭為海內所推君鄉人
又宗姓也試以余言質之不較信哉
賜進士第奉政大夫吏部司勳郎出僉雲
南憲使吳郡皇甫子循撰



書東代山房錄詩部沈

益河子曰詩者長于以詠歌

年一三百為所謂風雅頌賦

以興之體此自後人續詩為

之標目者魏晉以下遂有古
體近體律詩絕句長篇古
風排律集府五七言諸格
其後作詩者乃先擬定格揣

度求合裝訂湊泊而得其
意者或寡矣古之人散其性
情條達詞意優柔涵泳
聲氣自應長短句平仄

字者隨所用之義志豈在是

哉唐以詩賦取士始定格

律也

本朝經義論策時式也

此名與其本庶可稱作家

不然詩之出矣矣至於選詩也

必先求古人心詩之意有合於

三言者為第一之義其次

論體極其以論句法句法
清新字眼宛轉音響飄
逸鍛鍊精細造以駭人
觀聽而已若不在意趣中

發出雖工何益觀者同年
友北山李子倚殆不助也長
為歌行深得古意五七
律八句體裁亦脫去三

唐口齒且溫雅不尖
性情而遇事惟切一德美
刺間真有古詩人之風
淪瀉所造具六魏唐作者

儔亞乎非凌如近世詩家
步趨前人而法讀翻案
一詩同輩相與結社享

予自鬢宮即之知名春官

不乾更初所蘊乃今中外
駁應陶寫物情寫意時
如德約修治抑揚歛費
積而成司者多矣此其心

奚携素書囊一二福壽
社中偶一覽人或面與評難
庶幾彼此猶有進益家
孝子曰蓋以是書之錄尾

此日再考定如何如由是
略加決別所以自見但山鄙
人平日所見而得諸心目者
不為石鹿而之聲於道

意不以惟不敏於之與滑

申君子或不合子以予為知

言者歟所以自見去之所以

自考 益河馬一龍

東岱山房詩錄

外集

四言古詩

江水七章

濮陽李先芳著

詠孝子也張秋曹廬墓橫塘俾此寄贈

江水湯湯注彼橫塘逝言徂東有子不遑

奠彼高陵匍匐是築構彼苦廬于焉獨宿

或植彼松楸或倚於畝丘或景行是由或徬徨

是求

白雲在天霜露涓涓瞻望弗及哀哉不能言

有翩者燕止於苦廬有子哀哀爰處爰居
乳矣涕如注矣燕惟秋矣涕且憂矣

勿曰我躬弗怙而珍厥躬勿曰我聲弗聞而
厥聲勿曰三年已已而貴爾所生

哀思曷極矢言曷頌云誰之贈孝友張仲

清泮七章

蔣待御謫倅濮陽脩學造士
賦此贈之

睠彼清泮薄言采芹璧宮云夷疇茲右文惟我
太史至日楚分振厥弛維締造孔殷

吉蠲勤止荒度釐工載增式廓經始維終徽猷

允底肆魯同功百爾髦士肅肅從公

乃建闕官于泮之中綜以井幹玉藻孔叢梁木

自山柱石自隴爲桷爲榱取之不窮

乃浚九淵百尺潭潭先登道岸遠邇具瞻北溟

輸鯤圉何盤盤靜言垂釣勿以忘筌

乃作高山維石巖巖功崇萬仞進往惟艱維東

有箕維南有歷歧予望之參三爲一

構石爲梁于彼中央翼翼飛虹揚揚騰驤大川

既濟竭來以康胡爲泥中薄暮褰裳

有翩者燕止於苦廬有子哀哀爰處爰居
乳矣涕如注矣燕惟秋矣涕且憂矣

勿曰我躬弗怙而珍厥躬勿曰我聲弗聞而
厥聲勿曰三年已已而貴爾所生

哀思曷極矢言曷頌云誰之贈孝友張仲

清泮七章

蔣待御謫倅濮陽脩學造士賦此贈之

睠彼清泮薄言采芹璧宮云夷疇茲右文惟我
太史至日楚分振厥弛維締造孔殷

吉蠲勤止荒度釐工載增式廓經始維終徽猷

允底肆魯同功百爾髦士肅肅從公

乃建闕官于泮之中綜以井幹玉藻孔叢梁木
自山柱石自隴爲楠爲榱取之不窮

乃浚九淵百尺潭潭先登道岸遠邇具瞻北溟
輸鯤圉何盤盤靜言垂釣勿以忘筌

乃作高山維石巖巖功崇萬仞進往惟艱維東
有箕維南有歷歧予望之參三爲一

構石爲梁于彼中央翼翼飛虹揚揚騰驤大川
既濟竭來以康胡爲泥中薄暮褰裳

懋乃丕績啓我後賢山川毓秀豈曰玩旃山崇
其顛水清且漣維公之澤胡不萬年

采麥 傷行役也

言采麥矣于彼南畝麥之多芒言刺其手
言采麥矣于彼東菑誰其穫者曰婦與兒
君子于役不遑暇食王事靡極舍我稼穡
于以采之于彼南園人以爲儲我以爲糗
于以采之于彼東菑人以爲儲我以爲資
何麥不黃何土不疆彼其之子驅我于行匪日

匪月王事孔將豈曰懷歸禹貢有常

凡厥有生五章 訓弟也

凡厥有生衣食其端不耕不穫胡以自安
築我疆場膏我巾車麥事奏功夏月其除
有敦者瓜蒸於庭蔣是灌是約慰我饑渴
一畝之宮樹以桂叢候誰在矣曰弟與兄兄曰
吁歲月其征父母勞瘁貽我以寧及爾黽勉殫
茲寸衷

惟曰伊邇汝思惟曰罔艱汝為辟彼旭日麗於

中天究其昊矣舍旃舍旃

六月出師

六月出師十月犒師防秋已矣安不忘危
齎金鉅萬不聞一戰一戰可擒曰胡無人
我田不田我戰不戰王事靡盬民事可緩
飛餉不貲奉旗者饑 皇祖有訓民膏民脂
寸管無當不可滿也絕流而漁不可反也其言
則邇其旨遠也

角角者菱五章

新喻作

流止性也卑高命也了性命之源者可
與言詩矣

角角者菱流流者萍在中央寔性不同
山有松江有楓寔命不同

猛虎在山亦孔之威人見其威誰知其饑
魚處於陸鴻漸於木舐羊觸藩進退惟谷
膏我輕車秣我肥馬曷歸曷歸北山之下

月食

月之恒矣蟾蜍可薄相彼望舒利用大作

譬則黃河大風揚波俟河之清人命幾何
渭川之竹為箱為筐太山之石為圓為方簞之
揚之維南有箕何以命酒維北有斗
無平不陂月盈則食天道好還斯言有數

東岱山房詩錄

古樂府

濮陽李先芳著

古樂府之不講久矣徃徃弘詞之士開卷厭
之余惟鼓吹鏡歌聲牙刺齷誠不可讀太史
公作樂書亦不載而左克明復以楚之平附
之惑滋甚焉彼好奇者曲解以求通尤非也
他如陌上桑羽林郎相逢獨漉等篇昭明類
擲不採誤矣夫天球寡諧古鼎難售醴酒易
醒大羹不和是豈可以言語爭哉至王元長

沈休文自許能工古人律呂今觀其文牽制
附會辭艱旨漓其實大謬善哉鍾嶸曰文製
本須諷誦不可蹇礙但清濁流通脣脰調利
亦足矣余亦謂詩言志凡責古人詞之難易
而故效尤掠美皆啜糟粕者也故曰神解玄
悟存乎其人余非知音者但自家食時頗事
漢魏張本下逮六朝盛唐數子或假題命意
或探旨屬詞諸凡口不容言情不自達者托
以瀉之非故剽擬前人聊用適志耳矣近代

名公取古人行事注議糾韻類成斷案亦名
樂府余極知不足乃所願姑舍是焉

鼓吹饒歌九首

朱鷺

歌朱鷺考諫鼓帝作歌諫者舞豈無烏鷺食茄
下鎩翻脩脩悲鳴于野朱鷺振黃扉鳳凰覽清
輝朱鷺高飛諫者遄歸

艾如張

艾而張羅山之阿山出黃鵠摩天飛羅家焉得

四海圖不見墻上烏尾畢逋自投羅以待鋪羽
毛不惜噫嘻嗚呼

戰城南

戰城南死城闕丈八蛇矛皎如雪八尺驍驄日
流血七日不食臣力竭臣力竭罪當死願爲胡
勵歎沙礫掣風雨以報漢天子

君馬黃

君馬黃臣馬騷君馬出天閑臣馬常羈束不厭
風霜苦恐負千里足感彼黃澤謠爲君日歎玉

伯樂不常生哀鳴空躑躅

巫山高

巫山高高不極神女來遊江水急順風翔翔見
顏色願在雲霄常比翼暮雨朝雲胡可得

有所思

有所思兮若天畔跂予望之爾不遠華容如月
不可攀蘭生井中那能見欲報瓊琚爲君好情
莫致之心懊惱永夜裳衣坐顛倒

雉子班

雉子班班鳴山梁間五步一飲啄十步一周旋
不棲桂之樹不食盤中餐翡翠巢炎洲洲人挾
彈求白鹿在山林射工相見尋鯉魚伏深淵釣
者有芳荃猛虎夾路牙爪長走狗曳尾良弓藏

臨高臺

臨高臺高臺多風且霜露下有江水湯湯以注
回首一望江水深我欲下臺愁我心黃鵠高飛
不可馴

思悲翁

思悲翁歌薤露松栢青青白楊暮平蕪落日走
寒兔梟毋營巢飛上樹慈烏逝安歸哀哀淚如
注

橫吹曲

折楊柳

折楊柳楊柳心莫展懷人室是遠 折楊柳楊
柳可藏烏懷人在上都 楊柳何翩翩間關黃
鳥言懷人逝未還憂來無方樹有枝我無斧柯
空爾爲

紫騮馬歌

從軍十載前騮馬逐風旋從軍十載後騮馬立
骨瘦犧象不出門騏驎在天廐

幽州馬客吟歌

巧婦不自織良馬常苦瘦燕趙多才人老矣墮
人後

幽州朔氣早凄清時暮矣市門行歌者求爲知
已死

驄馬鉄鉉鉞長鳴大道周末効風霜力空悲汗

血流

相和曲

江南曲

妾本江北女嫁作江南婦良人重行商蘭房夜
空守豈無嬾婉情塵埃日奔走十年不復家雙
鯉爲誰剖蓬首望江北秋風斷衰柳

烏生八九子

城上烏鳴鳴雌雄不別何其自呼影翩翩尾
畢逋懷故枝抱乳雛烏方雛惟返哺忽奮飛不

知所生八九子誰念其母

陌上桑

與子結新婚衷情何婉戀晝出夜不歸郎心忽
以變採桑南陌頭紅椹一何燦摘椹桑籠中素
手可為絢燕趙多佳人使郎心曲亂

鰕鮒篇

井鰕難語海夏虫不知水鷓鴣守一枝鷓鴣搏
四溟晨起撫長劍利刃初發劍聞有五單于鳴
弦寇井陘捋鬚東北望逝將赴二庭楛矢名忘

歸駿馬如流星結束何煜爚杖策謁承明排雲
叫閭闔誓死効無生生當褁瘡痍死垂麟閣名

短歌行

歲月如馳人生如寄命之多艱徒憂何益解一

驟雨靡朝迅風靡夕蟬螿之羽朝生暮息解二

甘食者噎趨行者蹶月生雖微理無常缺解三

雖無旨酒嘉肴既飲且食平慎自愛其樂無極解四

解四

猛虎行

猛虎何班班
嚙人城下過
與汝本無嫌
所值在
饑餓東社閉
門西社哭
山中之人食
虎肉

君子行

手可迎刃君莫前
口若懸河君莫言
麝噬其臍
草焚以蘭釜
中有魚莫忘筌
千仞之雀莫輕彈
猛虎欲噬人
不論豪與賢
嫌疑嬰禍羅
君子防未然

燕歌行

燕山九月塞草黃
北風烈烈鳴枯桑
胡笳啾啾

夜未央
念君行役在沙場
思歸不歸
毛髮蒼期
門健兒皆少郎
小婦鳴箏不下堂
爾獨何爲守
邊疆使妾哀
哀怨空房有無曾
寄寒衣裳
腰帶應緩幾許長
豈無鳴琴寫寸腸
絃急指澁增悲傷
明月皎皎照流黃
恍如藁砧還故鄉
攬衣出門起
傍徨鴻鴈南歸
天雨霜

塘上行

終朝採紅蓮
不如採青蒲
謬將面自許
搖落不須臾

秋胡行

良人從薄宦遠遊寄他鄉三月爲君婦五載守
空房織紵侍舅姑南陌行採桑持金者誰子栖
栖要路旁婦人力清閨男兒志四方官家如雉
鳴夫婿如龍驤烏烏本同色葉葉自相當猛虎
豈不飢不在穴中傷鳳凰雖離群衆鳥難匹雙
曠夫豈無懷自有鴛與鴦手携青絲籠行行赴
門途望見遊子顏始知懷金是秋胡富貴氣體
變沉憂容顏殊持金不遺母乃誘桑間姝矢心

祇擬奉君子仰面不忍見金夫毀我璵璠簪裂
我錦襪能絕我連理帶解我合歡襦撤我斗帳
雙流蘇應手縑絲絲可染沂水泠泠不可汚

東門行

出門逢故歡歸家貧亦安富貴豈不好如彼滄
浪天

解一

豫章生七年深林人不曉大才當晚成莫羨朝

華草

解二

葉虫本自苦食蔗不知其君子守固窮富貴非

所貧三解

鋪糜莫苦飢衣葛莫苦寒遵養安時晦為君歌

考槃四解

上東門行

步出上東門車馬闐重關貧賤日奔走富貴益
不閑風塵四面會徒摧遊子顏高樓十二重寶
帳紛羅綺金張讌中貴平陽創新里歌鍾度落
梅車塵暗投李春吹生涼飈堂上忽荆杞青門
吊鄴侯黃犬憶東市明哲慎自保榮耀焉足紀

東武吟

新買五尺劍一日三發劔太平無一事空銷劍

上星一解

平生萬人敵眾中耿自許諸將盡封侯一咲寂

無語二解

侵晨起梳頭白髮何柳柳壯心逐水流撫景坐

搔首三解

壯遊篇

貂璫承世業肉食無遠謀腐儒守章句皓首甘

林丘國仇諒未報壯士爲漢羞把劍激易水水
急風颭颭聽我當筵歌壯遊疇昔學軍旅獻策
赴神州 君王蒙召見賜食銅龍樓掉臂顧單
于長揖謝穰侯腰懸金僕姑髮指鐵兜鍪躍馬
度隴山翻身射旄頭東擊遼海水西斷黃河流
功成拂衣去遙泛五湖舟

掛劍臺行

口諾不如心諾深徐君之意季子心壯遊未畢
徐君死寶劍匣中悲知己掛汝墳頭高樹枝寧

論地下知未知

二

昔人墳頭曾掛劍今人相知猶按劍我有龍泉
未許人腰下虹光白於練千金不賣投知己交
道那知論生死吁嗟古人良已矣

去婦詞

少小結髮事君子俛黽隨時任驅使君如玉樹
生清風妾如浮萍寄秋水小姑無端造孽多遂
令蘭芝被譴訶良人對面隔山海出門一望淚

滂沱芙蓉本是同根生願君莫學焦仲卿年年
牛女常相見何懼風波日夜驚把鏡照面轉自
憐他人不喜空少年歆摧蛾眉毀朱顏萬一人
事如轉環

塞上行

居庸直北望列鎮享茅土轅門晝飛霜猛將集
如虎日者小單于牧馬窺天府不聞霍冠軍但
見黑山虜黃金內帑盡甲士身無縷白骨積如
丘黃蒿斷城堡不上邊城望誰知邊塞苦

野田黃雀行

鷓子捕黃雀黃雀投叢棘鷓子繞棘飛且號黃
雀棘中語唧唧爲我謂鷓子且莫號我盜田間
糠與粃汝盜民間脂與膏大鵬摩天飛誰能爲
子逃

墻上難爲趨

誰爲天高有梯可躋誰謂天遠有風可噓筈矢
不如巧奔刺繡文不如倚市門吾豈匏瓜艱哉
守株嗟嗟墻上難爲趨

梁甫吟

陟彼梁甫山艱哉何崩施五步一眄睠十步一
徙倚北風踈野草陰崖泣山鬼樹木何蕭蕭高
塚鬱纍纍不知此何鄉言是蕩陰里白骨無賢
愚誰爲齊三士感此泉下人惆悵不能已

玉階怨

蟋蟀鳴玉階梧桐落金井絃扇本生涼錯恨秋
風冷

清商曲

子夜歌四首

與子結同心那能復顧慮耳後大秦珠輕拋月
下去

歡如水上蓮儂似泥中藕寄語採蓮人曾問泥
中否

青絲綠白紵不比黃桑屐把以似阿歡步步見
儂意

問歡何處來歡醉不復說扶歡解衣帶心促帶
翻結

子夜四時歌

春風吹羅襦羅襦自結束阿歡靜不來寒更坐
明燭

素手剪春羅製爲荷葉扇上繡連理花下刺雙
飛燕

鴈驚烏尾訛天風河漢落阿歡且寔眠曉霜殊
作惡

寒夜掩閨闔睡熟燭已滅扣門聲不揚冰膠鴉
頭襪

碧玉歌

曹騰悄不語寒暄妾自知秋風吹落葉莫忘破
瓜時

桃葉歌

春風拂桃樹桃葉柔無力榮華難久持佳人厭
粧飾

桃葉何萋萋春去夏如此了不爲顏色愛渠護
桃子

小姑曲

阿婆憐妾孤相命小姑寢本非連理枝幽獨慰
衾枕夜半夢夫婿握手相歡呼歡呼忽失聲床
頭驚小姑小姑莫驚疑枯桑風自知

清溪小姑曲

余過清源聞居人歌謠其事輒効焦仲卿體裁類成一篇云夫婚姻貴及時而暮夜相奔固有自焚

高高山上松下有古廟堂誰家姑與嫂跌拜山
神旁嫂言兒女稀姑願羨少郎少郎在何許乃
在城東庄東庄有王婆持斧來求凰少郎甚姻

娜門戶尤相當小姑啓阿母慎勿言相妨箕箒
候庭除中饋羅酒漿赤繩繫雙臂笄字從伊行
二月河水泮桃李正芬芳小姑見桃李淚下沾
羅裳少郎見桃李但願早成雙王婆白阿母女
大難久藏男願成家室女願事姑嫜小姑聞言
喜窓下促衣裝南市買珠綴北市易羅裳東市
裁錦被西市治匾床枕刺連理枝鞞繡雙鴛鴦
流蘇複斗帳五鳳啣香囊裝束何熠燿鬱金蘇
合香小姑命王婆行行詣少郎可擇上吉日過

門入蘭房近者三五日遠則半月強
下華燈明兩廂青白繫雙尊合
豈不願荒歲難鋪張厨中無所有
腹中無所有竹竿空自長狐白自
枯桑親識豈無人興言祗自傷持
言信難忘恨不生羽翼如鳥雙飛
言撫枕結愁腸微言動阿母婚禮
許相配貧富隨時光阿母叱小姑
肆筵會懿親未辨牛與羊綵幣三
五綱無復玄

與黃黃金光首飾珠玉珮琳瑯種
者一不償生女望門楣嫁女圖風
婦何爲他家忙小姑喚王婆爺娘
錦繡段五色何光芒我有金錯刀
遺此爲聘資努力謝少郎少郎受
傍惶屛勉整禮儀割賣祖田庄賣
喜心悲傷造門候阿母納幣來相
言但云歲時荒探知彼來意覽物
叱小姑栽樹圖陰涼家門何不幸
養女生他腸

篝燈不自照家寇殊難防所納不爲禮將郎還
故鄉小姑泣且言王婆諭少郎男長不由爺女
大不由娘將心比山水山高水復長東山一何
高行者有虎狼江湖豈不廣來往多舟航不駕
油壁車焉得窈窕娘家東有通衢背簷缺垣墻
乘夜乞相候相候大道旁黃昏掩雙扉爺娘上
高堂檢我新粧衣發吾故所藏錦袱裹同心踰
垣投少郎明月照東除衆星尚縱橫携手策輕
車牽牛以服箱望門迓新婦隣里相扶將滅燭

解羅襦歡樂殊未央

莫愁樂

盧家少婦名莫愁嬌歌艷舞春風柔湘東醴醑
宜城醪纖手倒注金叵羅主人且進酒聽我莫
愁歌聖人出四時和三年海水不揚波仲秋司
農獻嘉禾中厨有酒旨且多明月在天橫星河
宴笑滿堂華燈羅佳人難再得少壯能幾何

烏夜啼

樹頭烏夜啼會歡烏栖處可待烏栖來莫待烏

飛去

估客樂

估客乘大舩江頭夜不發酒肆喚胡姬舩上醉

明月

雕盤膾雙鯉菱笋白如玉郎歌水調聲妾唱當

壚曲

估客何所有合浦採明珠開緘贈雙珮牢繫錦

羅襦

五兩密如林長江駛如箭何日泛歸潮妾家楊

柳岸

青樓曲

妾本青樓女千金買寸心郎家自有婦夜夜白

頭吟郎乘白鼻騮搖鞭指妾家因尋桃葉渡

隔水見桃花

作蠶絲

繰車簷下鳴新絲應手出中央不斷頭是妾纏

綿意

採桑度

餒蠶行採桑感郎獨伴妾遠條勿伐盡春風復
生葉

采蓮曲

郎駕採蓮舟儂唱採蓮曲水上雙鴛鴦花間交
頸宿

採蓮復採蓮蓮在水中展儂意欲寒裳問君水
深淺

採蓮復採蓮蓮葉覆池水下有並蒂花中抱雙
蓮子

採菱歌

菱葉翠如鈿菱花清可憐採菱江上女蕩漾木
蘭舡

舞曲

白紵歌

奉君以葡萄之酒鬱金香歌白紵舞霓裳質如
素雲揚清光燠以鷄舌雜都梁輕袖高舉觸鳴
璫步趨微吟中羽商翩翩白鵠雙回翔皎皎初
日生扶桑况茲良夜春正長清時未遇其何傷

泰山可摧海可量人苦不足思無疆隨時平慎
樂無方金蘭義氣傾滿堂促樽合坐殊未央勸
君酒聽儂歌歲月倏如飛電過樂日常少憂時
多適今不飲君如何

琴曲

箕子操

嗟嗟汝造象箸舜造漆器止之則爲有虞不止
則爲獨夫噫歎歎殷社之丘墟

猗蘭操

猗猗者蘭施于中谷人之莫知德馨自淑一
猗猗者蘭施于中洲德馨自我云誰之尤二
猗猗者蘭施于中堂君子采之至治馨香三
于以紉之君子之裳于以藏之君子之囊防乎
其防何用不臧四

荆軻歌

荆卿重然諾任俠豈輕生片言傾滿座一字直
連城酣歌別易水擊筑入秦京知己殊未報千
年恨未平

雜曲歌

出自薊北門行

出自薊北門車馬何翩翩問君此何行言赴廣
陽川盤山勢巖嶭盧龍高際天灤江夜未央沂
水鳴濺濺城郭如鱗次單于屢寇邊天王按劍
怒受脰夜登壇犒士烹肥牛一日八九宣軍門
盛貔貅人馬皆騰歡流嘶起轟雷積甲成林巒
將軍獵漁陽烽火照燕然一舉靖廣武再舉上
邗連西眇定遼右長驅擒左賢拓地數千里斬
首填桑乾凱歌震溟海烟火徹井泉猷殍捷於
飛陳賞如丘山回車北平路翹首望長安宮闕
鬱雲浮佳氣滿中原

妾薄命

貞女擇良配君子重內儀桃葉照溪水女蘿附
兔絲二月河水泮感妾標梅時蹇修不我顧馳
情遺阿誰婚媾一失所薄命將焉歸越鳥羈樊
籠夜夜懷南枝願從黃鵠翼四海托襟期

車遥遥

膏車何草草遥遥萬里道遠道莫致思倚輪望
見之隻輪不可行去客難爲情駕車策馬輪已
遠腸中車輪載君返

胡姬年十五

胡姬十五鬱金香遠嫁江南遊冶郎海門一望
江路長蘭陵美酒玉爲漿不如飲水還故鄉

當壚曲

使車班班雨雪寒天秣馬商林沽酒河間當壚
女兒工數錢篝燈獨立影翩翩前爲人所羨後

爲人所憐

遠遊篇

天地何寥濶大化開元樞渺然此中處燕雀同
歡虞我將駕雙虬言赴泰山隅高高上無極矯
矯凌紫虛振衣日觀峯濯纓玉女池兩曜爲吾
鏡東海爲吾盂手把白虎符往探青龍居悠然
理巾帶河岳縱橫舒

我行謁東父一舉超神州蓬萊本吾宅崑崙乃
舊遊飄風鼓長翮萬里馳雙眸下見世間人如

蚊聚糟丘弭駕石閭閭潛光謝沉浮晨以吸朝
日夜以食瓊羞壽同金石固永老無所憂

閭闔篇

漢京鬱嵯峩複道直如髮樓觀薄太清飛薨懸
日月玉樹夾廣庭金莖挂雙闕仙人騎白鶴待
詔金門側手持一丸藥燦爛光五色稽首獻
天子永壽樂無極

結客少年塲行

生小善騎射結交幽并兒寶刀明月環驄馬黃

金羈出入新豐陌佐使邯鄲姬沽酒十千錢樗
蒲百萬資橫行長安道平視羽林騎羗胡寇上
谷軍中誰出師城郭半燒燔白骨相枕歎國讐
尚未報丈夫空爾爲金臺不復作流涕燕昭祠

東飛伯勞歌

伯勞東飛飛不息隣家女兒當戶織春蠶已老
飛桑蛾機上綺羅花色多挫藥染絲素可黃織
手理之心煩傷明月皎皎流夜光朱顏發艷桃
李芳胡不早嫁東家王

空城雀

空城雀止且飛禾莢莢黍離離長嘴飽短嘴飢
相爭剥啄無停時田家張羅知未知一朝入羅
悔可追

自君之出矣

自君之出矣使我長飢渴糟糠不下堂遊子在
天末

自君之出矣少婦爲人姑思君不知老恐君生
別圖

以石投井中一去無歸計日月東西生晝夜見
儂意

長干曲

郎家朱雀橋妾住長干里蕩漾木蘭橈出入秦
淮水日日逐風波相逢結女蘿誰言潮有信當
面隔明河

枯魚過河泣

大魚食小魚小魚食蝦枯魚過河泣且嗟爲我
謂魴鱠莫輕渡河縱不畏風波不畏網羅

咄咄歌 卽棗下何纂纂

棗下何纂纂纂纂復垂垂棗熟下成蹊棗盡上
枯枝枯枝摧爲薪君子慎交親

大道曲

長安春二月南陌踏青芽不知誰家子妖閑映
朝霞三三兩兩俱紛如瓊樹華日暮相扶將綺
羅闕狹邪

獨不見

瓜期負早春春盡花如霰歲稔連理枝團圞合

歡扇啞啞城上烏隊隊梁間燕日暮行雲歸懷
人獨不見

邯鄲行

妾家洪波岸歡遊叢臺西相逢桃樹下女蘿結
兔絲歡愛桃花面妾賦桃葉詩駕言誓山海中
心不復疑片語不相入風波起當時誰云相去
近對面千里睽一夕歇歡笑桃殭柳亦衰豈無
嬾婉情如以石激水容華莫遽殘君心倘能悔

夜夜曲

斗帳錦羅襦流蘇垂四壁夜夜醉歸來鼾眠橫
枕席

獨處愁

君如天上日薄暮忽相失君如天上月四五蟾
兔缺思君晝夜得團圓天邊日月常雙懸寄言
遊冶郎閨中春事長

蘇小小

油壁七香車去去宿誰家西陵大道旁少年驄
馬郎

樹中草

枯樹生旅草旅草依樹不沾霜猛虎棲深山願
得山中草木長大樹自有陰寸草自有心如何
連理枝富貴忘我為

三良詩

殉葬古未有駢死竟何益身沒遺哲人可以輔
家室結髮事人主誓歆同憂戚臨穴一盟訣天
地有終極亦知抵徒死王言不可食道重身乃
輕義存情靡及百身難相贖萬夫永為特

楚妃嘆

楚澤田獵歸王問爾何笑妾亦無所嘆妾亦無
所笑山禽不登俎犧象守清廟賢乎虞丘子置
身秉機要荐者多故歡好爵從所好袞衣匪一
絲台衡豈獨照四岳揚側陋玄德乃升耀周公
日吐哺白雉來遠徼矯矯公孫敖海濱但坐嘯

魚戲蓮葉間

魚戲蓮葉間葉葉何田田田田覆池水鳩鵲空
自憐魚戲蓮葉東初日射波紅魚戲蓮葉西斜

光照綠溪魚戲蓮葉南薰風搖碧潭魚戲蓮葉
北寒流深不測採蓮莫採葉蕩漾木蘭楫爲抱
雙蓮子慙慙念孤妾

漢宮詞

內庭千樹花開落無人見昨日進良家又下昭
陽殿

溝水平如鏡徘徊散愁心貪照可憐影誤墮黃
金簪

手持五色線夜繡連理枝刺到鴛鴦頸停針有

所思
紫殿生青苔是妾雙
淚滴秋風吹長門
一夜忽如積

明妃曲

彈來塞上曲本是漢宮詞
胡女無華色蛾眉處
處疑

東岱山房詩錄卷上終

東岱山房詩錄

古樂府卷下

古從軍行

胡騎犯長安飲恨別妻子
撫劍出函門誓不顧
生死提兵孤城下四壁盡胡壘
天子方召見背城決一戰
單于夜遯逃奏凱未央殿

塞下曲四首

胡馬嘶中原太行生邊色
甲士赴戎機
君王正盱食矯矯葵藿士
誓歆死城北利劍不

在掌殺身竟何益

匈奴屢犯塞漢營方犒師鼓吹寒沙漠飛旌暗
四垂刻日白龍戰乘夜青海窺將軍正宴飲惱
殺幽并兒

轅門紀軍功百金購一首邊城刈如麻誰復問
丁口胡來倏如風胡去疾如電跨馬出沙場沙
場何清宴

匈奴斥邊堠婦女半驅虜文姬抱胡雛帳下多
漢語復聞邊城將今年納鮮卑羽翼年年壯君

聽阿得脂

俠士篇

良家產六郡結束事邊庭一旦平胡盡罷歸守
故營刈葵愧長刀且免悲干城捋髭類急弦裂
毗如曙星百金笑一擲五斗初解醒探丸藐縣
吏然諾輕死生俛首豢鷄豚矢心厭葵藿嘗恐
勦力弛彎弓射林雀

長安道

長安門闕東朝廊千間厦馬鳴玉河上水流玉

河下

長安門闕西雙塔青雲齊冠蓋鬱相望西山接
御堤

湘妃怨

蒼梧暮靄深湘江春水綠千秋懷帝子遺恨斑
斑竹

胡無人行

黃河出塞日夜流燕山胡騎聲啾啾漁陽老將
推車輪東制居延西控秦健兒百萬如雲屯跨

馬長城時極望胡無人

臨江王節士歌

秋夜落江楓江波日夜東明月照江浦壯士泣
秋風晨起撫長劍劍鳴深鞘中龍蛇鱗甲俱相
似誰能辨我是雌雄

庭中有奇樹

庭中種奇樹灌溉何辛苦相期結花時與郎同
摘取一夜花開郎未歸春風搖樹紅芳稀攀條
歎恨淚沾衣

回鑿曲

戊戌在成均作時
駕幸天壽山

西京重原廟東都薦上辛豈如食舉後歆此上
陵晨相風駕天駟雨師清道塵司馭貂蟬冠材
官鷄鷄巾尚衣隨豹尾行漏代鷄人天行飛華
盖斗轉扈鈎陳止輦居庸道歌風灤水津行宮
三十六駐蹕皆陽春橋陵何盤鬱蛟龍起嶙峋
寢園薦櫻桃鼎湖採青蘋鳴鍾犒衛士按劍撫
邊臣回鑿幸甘泉刻石垂瑤珉樂奏上之回賦
獻協吉辰

劉生

談兵羞燕頤負氣捋虬鬚朝彈上林雀夜宿酒
家胡片言傾五嶽千金直一盧撫劍平津里醉
罵執金吾

煌煌京洛行

名都信佳麗九陌四時春地勢交風雨天符產
鳳麟娥娥秦氏女燦燦霍家親燕市行歌晚胡
姬勸酒頻道旁避馬客坊下鬪雞人狹邪連複
道甲第入平津綠雲承繡桶珠簾拂玉塵日暮

青煙合歌鍾徹四隣

長信宮詞

我本大家女克選入深宮早被君王寵承恩玉
殿中耳以聽鳴鷄身可當來熊豈期飛鷲至掌
上迴春風妾非歌舞伎焉能久相容空製齊紈
扇歆獻羞雷同含妻無所訴飲泣向丹楓

沐浴子

沐以蘭芳浴以蕙爾爲馨香誰作穢不見汎汎
浮萍草隨波上下流潔身以終老

宮中樂

初日照綺䟽御柳啼鶯早美人褰珠箔相期闢
百草

春宮樂事多夜遊不知倦明星耀東厨隨例昭
陽殿

三十六宮裏妍粧迎翠華鳳輦乘春下天行到
那家

御柳蟬初噤沉香晚自憑五月涼如水休頌露
井水

宮中秋夜長明月多情者初景照屋梁旋復來
床下

雪積風蕭蕭深宮夜寂寥御帳春如海鞞頭冰
正膠

日苦短

日苦短夜苦長華燈美酒宴高堂菓殺羅薦充
員方豈不愛惜費所藏人生歲月如電光少年
行樂事了了眼中人風塵一以別如隔雲漢津
誰知此別苦存亡難具陳落葉隨風颺後會當

何辰故舊日益遠來者非所親杯中有知己足
慰百年身

邯鄲才人嫁為厮養卒婦

邯鄲有才人嫁之厮養卒卒家得婦喜結我青
絲髮繫我錦羅襦解我凌風鞞情知非等匹悲
歡成日月昔為匣中鏡今為水上筏風波一失
所良媾信難越青蠅點良璧明珠委深窟心折
邯鄲城目極叢臺闕出涕望鄉邑川途間燕粵
盈盈臺上女娥娥競超忽不曾處下流安知問

消歇

古行路難

堯之二女胡嫁一人孔門三黜周公無親吹毛
求疵聖賢不任女無妍媸悅已乃宜海夫逐臭
蘭茝不如在歡目中靡不西施

白龍啣珠來報漁夫爲我謂白龍汝薄風雲行
天衢胡爾拘拘如魴鱖嗚呼天網雖疎事防不
虞

折花插瓶一日可枯剪花插瓶閱歲如初手持

蠟戟光耀射人羊質虎皮誰辨僞真

夷齊扣馬仲尼執鞭七聖皆迷大道茫然一日
千里終當一還

磁石吸鐵純金不舉芳餌釣魚神龍不取星有
何情好風好雨倬彼北辰塊焉中處

瑞雪篇

癸丑元
日作

南宮宮中雷大鼓漢官臺下盡伏俯日食雲中
望不見天子素服未央殿誰言日食忌三朝翻
然瑞雪凌寒飄轉災爲祥天意厚 皇帝陛下

萬萬壽

壯士篇

壯士輕白刃願乞一言死意氣生慨慷
遑顧妻與子內手不寒執手可熱衆人諾諾壯士喋
喋寧料虎鬚莫觸龍鱗猛虎可縛龍性難馴
肯縻不中雖勞何施智哉庖丁善刀而藏之

齟齬行在江上作

齟齬齟齬所如伊阻山溪毒淫不逞寧處一宵
行必燭晝行必戈山有猛虎不辯誰何二慢藏

誨盜良賈若虛人皆聖賢而我獨愚三鏌鋣出
鞘利在一決不如還鞘以防其缺四漁於山獵
於淵終日不獲乃網罟之愆五

江南四時歌

初陽正二月江南桃李時蘭茗交翡翠畫舫喚

鷓鴣

畦水流沃沃稻田齊以綠烟雨數家村五月春
新穀

月夜芙蓉爛霜時橘柚甘家家種桂樹秋色遍

江南

江南少夜晴坐此深冬月高齋蟪蛄聲不解芳
時歇

君不見

君不見水中魚中我以芳餌厝我于靈沼投之
以金粒覆之以玉藻此中恩怨不分明欲報明
珠爲誰好又不見青青山上苗忽爲堂下草結
根苟不堅不如山上老山風吹草草離離猛虎
不棲惡木枝莫逐樵夫山上去山中歸路幾人

知

涿鹿行

西望涿鹿鬱何盤盤胡爲滯滯我馬不前 獨
坐空庭澹然何爲白日西下惆悵思歸 長安
狹邪車馬相投周道如底君子夷猶我歌且謠
于以解憂

新婦詞

在縣作

黃鵠西南飛十里一回顧妾本邯鄲女嫁作臨
江婦十三扣錦字十四織紈素十五鳴絃十

六通辭賦生小不出門見人頗羞惡磁石吸長
針牽纏安得住悠悠涉江水綿綿即長路行行
見里居黽勉啓生聚况值丁力微夫婿多惶懼
內顧無贏餘應門寡親故府胥經過門催租權
水務略湏再拜迎烹鷄待之去豈不誠報顏家
貧廢禮度入厨理晨炊炎方汗如注素衣化爲
緇纖手點垢污匣中芙蓉帶開緘不忍覩綵袖
雙鴛鴦網絲成布濩豈無金石聲朱絃空在御
昔爲掌中珠今爲華上露但免翁姑嗔悲辛敢

言訴潯水不通潮淮陽多枳樹江蓐不可航
跂予日延佇阿母知我情應悔誤生女阿父知我
情捫胷怨媒姥有懷難具陳涕泣淚如雨

遊子篇

朝出門朝不歸暮出門暮不歸嘆息三年遊子
衣亦知江南隔江北欲不出門那可得

出門行

出門復入門握手語唧唧遙爲千里別所囑事
非一日暮送者歸但云苦未悉江介起北風爲

寄寒潭橘

妾如井中蘭

妾如井中蘭君如天上月願君廣末光照妾于
幽窟

妾如井中蘭君如天上月圓缺豈無時馨香終
不滅

古君子行

青蓮出水水不染鰍魚蟠泥泥汚眼鯨鯢吞舟
虎啣人山高水深吾閉門長安美酒斗十千歆

飲不飲空自憐衆人皆醉誰獨醒清齋松下花
冥冥

易水歌

漸離擊筑荆卿作歌易水湯湯揚白波太子不
知有秦知有軻怒髮指天如秦何腰下七首光
陸離丈夫寧爲郊特牲不爲曳尾龜群龍無首
祖龍走天地爲我皆震吼勿謂荆卿爲燕劍術
踈六國胥淪亡疇能鞭撻祖龍遶殿呼烏烏

公無渡河

我聞黃河活活日夜流上天下地無時休洪波
噴箭誰敢渡何用九曲蟠如鉤翻江倒海摧山
岳却向溝渠問清濁達人駕浪泥中行愚人束
手俟河清臨流感歎何時平臨流感歎何時平
撫劍篇

撫劍出門爾何去河水無梁虎攔路周周啣羽
魚比目孤雲在天白日暮雜縣風煖日爲災天
吳高浪駕蓬萊野狐跳梁城狐哀嗟爾胡爲乎
來哉嗟爾胡爲乎來哉

臨淮水

臨淮水一年得一度何似牽牛渚淮水東流似
往年紅塵立馬聽潺湲空將華髮催遲暮江上
青山春可憐

秦女卷衣

秦女卷衣裳深宮夜未央尚衣青玉案侍寢黃
金堂複帳雙龍繞流蘇五鳳翔微風一以振合
殿裊天香

義士篇

濮千戶顧玘殺人法當處死除籍弟
瓚年十八以身自代慨然臨刑卒無
怨悔司獄者亦疑之而竟不免焉哀
哉事不見於郡志故持表而錄之俾
觀風者續有採焉

兄勿殺人兄竟殺人殺人抵罪兄自身祖功不
叙愁吾人兄弟之間何彼此我室未聘死可矣
不謀諸兄不告母手持銅錘首官府大人莫疑
我何苦東園露井桃李芳蟲來齧桃李代殭年
年桃花開滿枝開花結子兄嫂當知之

獨漉篇

獨漉獨漉沾體塗足同涉泥中誰辨清濁
隼據高墉側目攫威豈無繳矰雖工何施
泛泛浮萍得風裊那不知無本反謂有托
厠踰覆錦青蠅翩翩搖尾鼓翅何軒奴軒
手持太阿莫以告人日三摩澤用防自身
猛虎雖慘志在一飽鄙夫無厭泰山爲小

捉搦歌

老女頽適人含羞不歆語東鄰有曠夫爺娘不
輕許

春江曲

春鳥下前塘春帆帶夕陽春草隔江綠王孫空
斷腸

愛妾換馬

棄捐萬金體博此千里足飲恨割紅粧匈奴寇
上谷

蛾眉如棄徒駿骨享千金可憐薄命妾徒有敝

惟心

江南謠

塞上有兵機江南科賦役逋負動十年徵發在
今夕文移紛如雪府胥坐如棘良田委榛蕪子
女易金帛持金謝府胥所希聊喘息民訴一何
苦胥怒一何極我有千斤弩歆施不得力願爲
循良胡可得

徐沛謠癸丑作

呂梁水決黃河趨平原徐沛皆江湖父疏河子

備胡阿婆乘犁婦荷鋤三月不雨麥枯稿丈夫
歸來瘞餓孳

禽言

姑惡

東鄰生女西鄰婦阿婆見憐小姑妬三日入厨
理茶湯温涼不稱小姑怒養女閨中掌上珠嫁
女出門花上露姑惡姑惡且停怒早晚亦是他
家婦

行不得哥哥

誰謂一飛可衝天上有大羅誰能逐刃而直前
前有九河行不得哥哥

泥滑滑

水中之馬不能自前胡爲泥中乎周旋不行泥
中不知泥滑滑兩足飭力確不可拔

播穀

播穀播穀言告農夫五月芒種汗邪滿車司農
獻禾天下大酬

阿得脂

得過且過平叶天明壘窩一身不自保遑恤其他

桑扈

勿折我桑折桑手指枯勿喫我榘喫榘黑皮膚

從軍行已下用唐調

六郡良家子五陵俠少年臂鷹臨朔塞立馬向
烽煙轉劍流星曙彎弓明月天匈奴寇上谷夜
半度祁連

關山月

旌旃秋出塞刀斗夜臨關沙上眠金鑲閨中損

玉顏胡天獵騎盡漢月陣雲閒一夜相思遂三
軍衣盡斑

出塞

半夜羽書下將軍出井陘伏兵依遯甲轉戰撤
丁令策馬交河斷磨刀隴水腥如何竇車騎燕
然獨勒銘

紫騮馬

沙苑紫騮馬雕韉錦絡頭千金能一顧萬里為
防秋跋跋胡塵下趨趨汗血流天閑十二種誰

解取封侯

王明君二首

蛾眉不可恃鴻翼竟難尋前殿更衣夕邊庭駐
馬心春悲胡地草秋憶漢宮砧縱使黃金賂其
如妬忌深

十年未奉面椒庭空綺羅當辭纔一顧承恩豈
在多詎知薄命妾能使漢邊和千古琵琶曲流
傳塞上歌

羽林郎

盈盈羽林子甲第青雲齊獨擁千人騎常隨八
駿蹄鬪鷄長楸巷躍馬章臺西歸去金張館鍾
歌夜月低

俠士

朝度黃雲塞夜臨明月關三杯賦羽獵一笑定
燕山飲馬長城窟射鴈青海灣功高不被賞彈
鋏夜漫漫

銅雀妓

君王棄履綦妾命委遊絲歌舞春鶯盡樓臺銅

雀悲西陵正芳草漳水日流澌千秋總帳在早晚夢來時

錦石搗流黃

妾本青樓倡離居秋夜長銀環約雙素錦石搗流黃獨鳥棲南樹明河掛北堂早知離別苦不嫁冶遊郎

春江花月夜

春江水不波春花妬綺羅不掛輕帆去其如明月何人煙浣沙女燈火採菱歌歸路明珠滿鮫

人泣淚多

春閨詞

一自稟砧去春來信莫聞閨中泣明月天上妬歸雲折花空在手織錦不成文肯學秋胡婦條桑惹使君

宮人入道

解珮辭長樂皈心奉上清只疑秦弄玉相伴董雙成不向前魚泣來攀獨鶴行夜深禮斗處猶見小星明

城上烏童謠

城烏嚼肉左顧右盼竊脂高飛食不下咽陸有
鯨鯢市有虎石上黃梁棄如土一朝緩急苦復
苦以錢爲埒金爲府丁男死邊姹女舞丞卿堂
上日擊鼓

諺語十六首

緊呼茶慢炊火有客徐徐不待我
夜蟲求明或向燈或向火林中有雀其柰我
啣菜蟲死菜中郭璞早去焉知無生靈龜不自

保何用知吉凶

主人勸酒客大怒本無惡意爾何負誰謂水清
石自見焉得女面猶吾面

你來我去誰先把鋸

方則穩圓則滾

飢莫食魚飽莫食糝坐莫垂堂趨莫臨池
手持金盃向人覓食孰失孰得

猪羊就縛磨刀霍霍衆口信然望門大嚼
口若懸河搖吻生棘榛不容見君子無知乃貴

人

人心苦不足飲河期滿腹井綆欲上天神龍困
魚服

多笑寡情多文寡誠妬婦若容以婦乘夫積愛
見凌

鶴入鷄群鷄不自安鶴亦難馴

有雨莫雨大海有肉莫入大庖來則太倉增一
粟去則九牛拔一毛

狐化爲人不勝自媚見犬則驚聞鷹則畏

兔走田中千人如沸一人得兔千人喪氣

東岱山房詩錄卷下終

